



01/a-50-1  
M

Broj: 08-50-2565-2/2014  
Sarajevo, 27. avgust 2014. godine

**PARLAMENTARNA SKUPŠTINA BOSNE I HERCEGOVINE**  
Zastupnički/Predstavnički dom  
N/r gospodin Milorad Živković, predsjedavajući

PRIMLJENO: 03-09-2014			
Organizaciona jedinica	Klasifikaciona oznaka	Rodni broj	Broj priloga
01/a-50-1-15-70/14			

**Predmet: Poslaničko pitanje, odgovor, dostavlja se**

**Veza: Vaš akt broj: 01/a-50-1-15-70/14 od 24.07.2014. godine**

Poštovani gospodine Živkoviću,

Visoki sudski i tužilački savjet Bosne i Hercegovine (u daljem tekstu: VSTS BiH) zaprimio je dana 04.08.2013. godine, dopis kojim su VSTS-u BiH prosljeđena poslanička pitanja Dušanke Majkić, poslanice u Predstavničkom domu Parlamentarne skupštine BiH, u vezi sa krivičnom istragom koju Tužilaštvo Bosne i Hercegovine vodi protiv direktora Državne agencije za istrage i zaštitu, u dijelu istrage koja se odnosi na postupanje nadležnog tužioca, i to sljedeća pitanja:

*Pitanje 1. Na osnovu kojih ovlaštenja je postupajući tužilac Miroslav Marković naložio izvršnom organu vlasti, zamjeniku ministra bezbjednosti Bosne i Hercegovine, donošenje rješenja o onemogućavanju pristupa tajnim podacima direktoru Državne agencije za istrage i zaštitu – SIPA gospodinu Goranu Zubcu?*

*Pitanje 2. Na osnovu kojih ovlaštenja navedeni postupajući tužilac traži od Savjeta ministara BiH razrješenje direktora Državne agencije za istragu i zaštitu s obzirom da je procedura imenovanja i razrješenja direktora policijskih agencija Bosne i Hercegovine jasno propisana zakonom?*

*Pitanje 3. S obzirom da je odlukom nadležnog organa, Nezavisnog odbora Parlamentarne skupštine BiH, od 23.07.2014. god. direktor Državne agencije za istragu i zaštitu – SIPA nastavlja rad u punom kapacitetu i bez ikakvih ograničenja, na osnovu čega je Tužilaštvo donijelo odluku da će o tajnim podacima komunicirati isključivo sa zamjenikom direktora SIPA-e?*

*Pitanje 4. I na kraju, da li je postupajući tužilac ovakvim načinom rada izašao izvan okvira svojih ovlaštenja koja su propisana članom 35. ZKP-a BiH, te prekoračio granice službenog položaja preduzimajući radnje koje su u nadležnosti drugih lica, odnosno institucija?*

U vezi sa postavljenim pitanjima, ističemo da je članom 3. Zakona o Visokom sudskom i tužilačkom savjetu Bosne i Hercegovine („Službeni glasnik BiH“ br: 25/04, 93/05, 48/07 i 15/08;) - u daljem tekstu: Zakon o VSTS-u BiH, propisano da VSTS BiH kao nezavisan i samostalan organ ima zadatak da osigura nezavisno pravosuđe. U članu 17. istog zakona taksativno su nabrojane nadležnosti VSTS-a BiH pri čemu zakonodavac nije dao mogućnost da VSTS BiH na bilo koji način daje mišljenja ili ističe stav o pitanjima u odnosu na donošenje procesnih ili meritornih odluka koje svaki nosilac pravosudne funkcije treba da donese samostalno, profesionalno i nezavisno u svakom konkretnom predmetu.

Članom 87. Zakona o VSTS-u BiH propisan je funkcionalni imunitet nosilaca pravosudnih funkcija u krivičnom i parničnom postupku i to u odnosu na mišljenje koje daju ili odluke koju donese u okviru svoje službene dužnosti, a što predstavlja jednu od garancija njihove nezavisnosti.


Imajući u vidu zakonske nadležnosti i poštujući principe neovisnosti pravosuđa, proizilazi da VSTS BiH nema pristup informacijama koje se tiču krivičnih istraga, te stoga nema ni nadležnost niti ovlaštenja da preispituje odluke koje tužioci donose u krivičnom postupku.

VSTS BiH naglašava da je odlučan odgovorno voditi pravosudni sistem u BiH, ističući da su Zakon o VSTS-u BiH, te nadležnosti koje su definisane ovim zakonom, jedina vodilja u unapređenju efikasnosti pravosudnih institucija, provođenju reformskih aktivnosti kao i približavanju pravosudnog sistema evropskim standardima. Naglašavamo da će VSTS BiH, u svim slučajevima u kojima dođe do saznanja o navodnom nezakonitom, neodgovornom ili neprofesionalnom postupanju bilo kojeg nosioca pravosudne funkcije poduzeti aktivnosti iz svoje nadležnosti, a koje se odnose na utvrđivanje disciplinske odgovornosti nosilaca pravosudnih funkcija.

S poštovanjem,

Dostaviti:

- naslovu
- a/a.



Predsjednik

Milan Tegeltija